



**Općinski načelnik**

Busovača; 15.09.2023. godine

**SAOPŠTENJE ZA JAVNOST, MOLBA, UPOZORENJE**

Poštovani sugrađani,

Dana 14.09.2023. godine u kabinetu Općinskog načelnika u Busovači održan je zajednički sastanak na temu sigurnosti učenika osnovnih škola ali i svih drugih građana na području općine Busovača.

Poseban akcenat je dat na učenike osnovnih škola prilikom dolaska i odlaska iz škole, kao i samog boravka u školi.

Pored mene kao načelnika Općine Busovača, sastanku su prisustvovali: Nevenka Gavranović i Mirsad Mekić iz Službe za civilnu zaštitu Općine Busovača, Đenan Hodžić i Slaven Katava, direktori osnovnih škola, Sanja Jozić i Edin Mekić iz Policijske stanice Busovača, te Elvir Šiljak, direktor Veterinarske stanice Busovača.

Konstatovano je da je trenutno najizraženiji problem na području općine Busovača uklanjanje i zbrinjavanje pasa lualica, a u skladu sa važećim zakonskim propisima.

Izražena je pojava, bukvalno rečeno, divljanja vozača sa motociklima i drugim prevoznim sredstvima, pa čak i u školskim dvorištima, prebrza vožnja ulicama i tako dalje.

Posebno je zabrinjavajuće da učenici čak i osnovnih škola borave u kladionicama, nargila barovima, te konzumiraju alkohol.

Poštovani i dragi sugrađani,

**Radi se o našoj djeci, radi se o nama. Pomozimo našoj djeci, pomozimo sami sebi.**

Da bi prevazišli gore navedene proleme potrebno je da svi uzmemo učešće shodno svojim mogućnostima i nadležnostima.

Što se tiče pasa lualica preduzeli smo odgovarajuće mjere. Između ostalog smo sklopili ugovor sa Veterinarskom stanicom koja to radi, po mom mišljenju dosta dobro. Međutim, dovlače nam pse iz drugih općina. To se konkretno vidi i osjeti, ali to nam i sami građani govore. Zato vas molimo da takve pojave registrujemo na način da vidimo kojim vozilom su dovučeni i kojih registarskih oznaka, kako bismo mogli poduzeti odgovarajuće mjere.

Istovremeno, sami doprinosimo tome da je najveća koncentracija pasa oko Općine, škola, i na drugim mjestima gdje ljudi najviše borave. Razlog tome je što ih hranimo na tim mjestima. Razumijem humanost ljudi i to je dobro, ali vas molim – nemojte to raditi. Psi idu tamo gdje imaju hranu, to je i normalno. Čak šta više, naša lijepa dječica koja su ugrožena „odvoje od vlastitih usta“ i daju psima zato što ih vole, a istovremeno u njima ne prepoznaju opasnost. A pitanje je momenta kada će je ispoljiti.

**Pomozite nam, pomozite sami sebi i ne hranite pse u urbanim dijelovima.**

Posebno se obraćam Udruženju za zaštitu pasa koji vode „brigu“ o njima. Nemojte voditi brigu samo na papiru, nego budite konkretni i praktični. Sklonite ih, udomite ih, nahranite ih, i onda ćete biti to kako se zovete.

Policija će voditi računa, obaviti razgovor sa već poznatim „dušebrižnicima“ koji ih hrane, a u slučaju da se ta praksa nastavi preduzet ćemo odgovarajuće mjere koje nam zakon dozvoljava.

Dragi roditelji.

Djeca nam idu u kladionice, nargila barove, konzumiraju alkohol i još dosta toga. Spremni smo vam na razne načine pomoći, ali je to prije svega do vas kao roditelja. Direktori škola i prosvjetni radnici mogu pomoći, ali je to prvenstveno vaš zadatak.

Ima izuzetno „fine djece“ koja ništa od ovoga ne upražnjavaju. A isti su učitelji, nastavnici i profesori. To znači da je do vas.

S obzirom na sve rečeno još jednom vas molim da damo svoj doprinos da bi riješili navedeni problem u što većoj mjeri.

Kao načelnik Općine vrlo često sam sebi postavljam pitanje i ne mogu vjerovati da smo to mi. Tražimo da imamo dobre puteve jer su nam rupe po cesti, ne može se normalno saobraćati i tako dalje. Kada napravimo dobar put tražimo da stavljamo ležeće policajce. Jedni se bune protiv toga, pa ni sam ne znam šta je pametno učiniti. No, sve to mi radimo sami sebi, a ne tamo nekakvi stranci.

Zamolio bih da ovo uzmete za ozbiljno, ali isto tako da naši vjerski autoriteti na svojim propovijedima i hudbama ukažu ljudima na navedene probleme i na ovo saopštenje, jer mnogi možda na neki drugi način neće biti u prilici da sve ovo vide i čuju.

Nadam se da ćemo učiniti dobro u korist svih nas.

S poštovanjem!



ОПĆИНСКИ НАЧЕЛНИК

Asim Mekić, dipl.ing.